



# **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

22. VValciodorensis Benedictinorum Abbatia, ad Mosam fl. in Comitatu & dioecesi Namurcensi, ab Eilberto Comite ac domino Florinensi, eiusq[ue] coniuge Heresinde, an. 946. fundatur dotaturq[ue].

**urn:nbn:de:hbz:466:1-10903**

944.

Actum Chuitileneburg , anno incarnationis Domini nongente-  
fimo quadragesimo quarto , IV. Nonas Iulij , regni autem domini  
Ottonis decimo sexto , Indictione septima .

## N O T A T I O N E S .

CONRADVS ) seu Cuno, Lotharingie Dux ab Othono I. Imp. an.  
944. creatus , eiusdem filiam Luidgarden an. 947. duxit uxorem ,  
qua an. 953. decessit : vt Continuator Reginonis testatur. Idem Dux  
diplomati Gemblacensi an. 950. subscriptus .

EICHE ) monasterium : de illo egri in God. don. Piarum cap. 20.  
pag. 91. & in Fastis Belg. 2. Oct.

## C A P V T . X X I I .

Walciodorensis Benedictinorum Abbatia , ad Mosam fl. in  
Comitatu & diocesi Namurcense , ab Eilberto Comite  
ac domino Florinensi , eiusque coniuge Here-  
finde , an. 946. fundatur dotaturq .

I N nomine sanctæ & indiuiduæ Trinitatis. OTTO divina favente  
clementia Rex.

Notum sit omnibus sanctæ Ecclesiæ fidelibus & filijs , præsentibus scilicet & futuris , qualiter venerabiles Episcopi nostri , Fredericus sanctæ Maguntinensis ecclesix , & Hugo Leodiensis , adierunt Serenitatis nostræ præsentiam , deprecantes , vt cuidam nobili viro  
EILBERTO nomine , assensum præberemus , de rebus sui iuris mo-  
nasterium edificare , in honore S. Mariae semper Virginis , in loco  
qui dicitur Walciodus , ubi iam dictus vir & vxor sua Herefindis  
in religione feruentissima suscepserant quosdam Dei seruos , pere-  
grinationis gratia à Scotia venientes , & sub regula S. Benedicti vi-  
uere cupientes .

Dedit igitur prædictus vir , cum coniuge sua , de proprietate sui  
iuris ad præfatum locum , prædictis monachis locum qui dicitur  
Walciodortis , ubi est ecclesia in honore S. Mariae constructa , &  
mansus indominicatus , ad quem aspiciunt mansi triginta , cambræ  
septem ,

Septem, fornarij duo, in pago Ardenna dicto ad Littras , mansum indominicatum, ad quem aspiciunt manū triginta, vbi est ecclesia in honore S. Dionysij constructa , cambæ duæ, fornarij duo, in Falmenna..... mansum indominicatum, ad quem tres cambæ, duo fornarij, duo in Condrosio ad locum Antina dictum , vbi est ecclesia in honore S. Maximini constructa; mansum indominicatum, ad quem aspiciunt mansi triginta unus, cambæ duæ, fornarius unus, in loco Florines dicto , mansos sex , cambam vnam , cum omnibus ad prænominata loca iure pertinentibus, mancipijs, agris, pratis, pascuis, siluis, aquis, aquarumque decursibus , molendinis, punctionibus, exitibus & redditibus, quæsitis & inquirendis.

Quorum petitionibus nos, sicuti æquum erat, aurem libentissime accommodantes (quippe quæ salutis nostræ commoda postulabant) statuendo decreuimus, vt illud monasterium perpetuo in usus peregrinorum & pauperum stabiliatur, firmetur atque corroboretur, & semper in ditione SCOTORVM permaneat, & quamdiu aliquis illorum vixerit, nullus alius fiat Abbas, nisi unus ex ipsis, post vero decepsum illorum alijs, Deum diligens & amator sanctæ regulæ, efficiatur Abbas; ipsum autem monasterium, quod ad hoc noscitur esse constructum, vocetur deinceps Monasterium peregrinorum.

Et ut hoc nostræ concæssionis præceptum firmiter permaneat, manu nostra subtus firmauimus, annuloque nostro insigniri iussumus.

Signum domini Ottonis serenissimi Regis.

Vrmus Cancellarius, ad vicem Friderici Archicapellani.

Actum XIII. Kalendas Octobris , anno incarnationis Domini 946.  
nonagesimo quadragesimo sexto, Indictione prima, anno Ottonis undecimo. Actum iuxta ciuitatem Remis dictam.

### N O T A T I O N E S .

Ex Walciodori archiuis diploma istud Patilius Croffendalius recitat in sua Comitum Namurcensem Historia, quæ Bruxella apud filium ms. exstat.

Elbertus siue Elbersus Comes, dominus de Florines , Ebroini & Berthæ filius, Gerardi Comitis Lossensis frater cum uxore sua Hesinde (ex qua liberos non suscepit) monasterium S. Michaelis in Tirassia

Tirassia exstruxit. Anno 944. aut 946. castrum Walciodorensis,  
*VVanssire*, in monasterium vertit; S. Forannanum, ex Scotia an.  
968. venientem, primum ibi Abbatem constituit, demum an. 977.  
vivere desijt, Walciodori sepultus cum Gerardo fratre.

Ebroino seu Euroino Ludouicus Balbus Imp. circa an. 879. dedit  
Antinam, *Anine*, in Condrusio, & Hejdrefum, *Haidres*, in Fa-  
menna. Donationis tabulae existant apud Cronentalium lib. citato.

Otho Imp. an. 968. cœnobium Walciodorensis Theoderico  
Episcopo Metensi concessit, qui Hasteriensis monasterium, dimis-  
sis monialibus, cum Walciodorensi coniunxit: sic ut unus idemque  
sit Abbas loci utriusque.

Est autem Hasteria ad alteram Mosæ ripam, ex opposito Walcio-  
dori sita, in qua Widericus, eiusque coniux, an. 656. moniales  
collocarunt.

S. Forannanus an. 982. in Domino obdormiuit, & Walciodori  
quiescit cum S. Eloquio, S. Foillani fratre: de quibus Fastos nostros  
Belg. vide.

### CAPUT XXXII.

*Ludouicus Transmarinus Francorum Rex, petente Arnulpho  
Magno Flandriae Comite, an. 950. possessiones mona-  
sterij Blandiniensis, iuxta Gandavum, confir-  
mat; monachis Benedictinis, per S. Ge-  
rardum Bronensem, loco Cano-  
nicorum, substitutis.*

**I**N nomine sanctæ & indiuiduæ Trinitatis, diuina præordinante  
gratia Francorum Rex LUDOVICVS.

Si in diuinis cultibus operam dantes, Ecclesiam Dei ad summum  
sacræ religionis statum sustollere conamur, ab ipso bonorum om-  
nium Remuneratore, pro certo confidimus fore nobis recompen-  
sandum.

Igitur notum esse volumus omnibus sanctæ Dei Ecclesiæ fidel-  
ibus, præsentibus scilicet & futuris, quoniam nostræ dignitatis a-  
diens præsentiam Arnulphus Comes & Marchio nobilissimus, no-  
sterque